

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Testimonialium requisitorum pro prima Tonsura Formula II.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

criminaliter de delicto . Alii vero exigunt , quod Ordinandi in Sacris deferant attestations de frequentatione collationum casuum conscientiae . Alii denique requirunt in Ordinibus Sacris peritiam Cantus Gregoriani , de quibus requisitis habetur sparsim in Synodibus Farfensi de anno 1686 . Albanensi 1689 . & Esino , & Cæsenatenzi 1695 . ac Hostiensi 1699 . Tapis editis .

9 HABILES AD ID REPERTOS.
Hæc clausula debet verificari in Subditis Ordinandis : Exteri enim , qui Ordines suscipere cupiunt , non est necesse , quod examinentur , dummodo in litteris dimissorialibus à suis Ordinariis quo ad litteraturam , & idoneitatem approbentur . Quidquid etenim olim dixerint DD. de hoc , an scilicet Ordinans tene-

retur exterios iterum examinare , non obstante approbatione proprii Ordinarii necne ? & affirmativam sententiam in prætenendam esse opinetur Pac. Jord. lucubr. tom. I. lib. 6. num. 17. & trib. seqq. hodie contraria sententia verior est ; quam amplexa fuit Sacr. Congregat. Concilii in Verulana 17. Januarii 1693. in qua exposito Dubio -- Episcopus Verulanus ad conscientiae sue serenitatem supplicando refert : Cum sèpè contigat , quod mihi offerantur Ordinandi alieni Subditi , prævia exhibitione litterarum Dimissorialium proprii Episcopi attestantis eorum litteraturam , & idoneitatem , quero -- An ipse teneat dictos Ordinandos iterum examinare super dictis litteratura , & idoneitate ? Sacr. Congreg. respondit -- Non teneri , sed posse .

Litterarum Testimonialium Parochi de requisitis pro prima Tonsura.

F O R M U L A II.

Ego infrascriptus Parochus Ecclesiae N. præsentibus litteris medio juramento testor N. qui ad primam Tonsuram Clericalem promoveri cupit , in anno ætatis constitutum , filium legitimum , & naturalem N.N. Conjugum ex mea Parochia fuisse baptizatum sub die . . ut constat ex libro Baptizatorum dictæ meæ Parochiæ , in quo sic habetur (hic ponantur ipsamet verba libri .)

Item testor fuisse confirmatum ab N. nostro Episcopo (sive ab Episcopo N. de licentia) prout liquet ex libro Confirmatorum ejusdem Parochiæ , in quo sic habetur (& hic ponantur verba libri .)

Item morum , & vitæ integritate commendari , diebusque Dominicis Doctrinam Christianam frequentasse . In quorum &c. Datum &c.

Ego N. Parochus Ecclesiae S. N.

Si autem attestatio est facienda in Regno Neapolis , aut in alio loco , in quo vigore Synodi , vel Edicti Episcopi debent fieri proclamationes , addenda erunt in fine sequentia verba -- meque denique die festo inter Missarum solemnia nomen , & desiderium ejus in mea Parochiali Ecclesia denunciasse , nec quemquam de populo hac re per me requisito , & admonito ullum impedimentum opposuisse .

Quando autem Rector , vel Parochus , aut Archipresbyter non potest de omnibus unica attestatione fidem facere , tunc testetur per scripturas separatas , prout infra .

Ego infrascriptus Archipresbyter Plebis N. testor N. in ætatis anno constitutum , filium legitimum , & naturalem N. N. Conjugum ex hac mea Paro-

Parochia fuisse baptizatum sub die . . . prout constat ex libro Baptizatorum hujus Parochiae, in quo sic habetur, (*& ponantur ipsam et verba libri*) in cuius fidem praesentes litteras, etiam medio juramento, manu propria subscripsi, & sigillo meo munivi Die . . .

Ego N. Archipresbyter Ecclesiae Parochialis N.

Vel dicat . . . Testor me in libro, in quo descripti sunt Baptizati ex mea Parochia adinvenisse hujus natalis memoriam, his verbis ad notatam videlicet &c.

Litterarum Testimonialium de Sacramento Confirmationis.

F O R M U L A III.

Ego infra scriptus Archipresbyter Ecclesiae Parochialis N. Testor N. Sacramentum Confirmationis suscepisse ab Illustriss. & Reverendiss. D. N. Episcopo, prout constat ex libro Confirmatorum hujus meae Parochiae, in quo sic scriptum habetur, (*& ponantur verba libri*) in cuius fidem has praesentes litteras medio juramento manu propria subscripsi, & sigillo meo munivi hac die . . .

Ego N. Archipresbyter Ecclesiae Parochialis N.

Litterarum Testimonialium de vita, & moribus, & Doctrinæ Christianæ frequentatione.

F O R M U L A IV.

Ego infra scriptus Archipresbyter Plebis N. testor quantum humana fragilitas nosse finit N. ex mea Parochia esse honestis moribus, bonæque famæ, diebusque Dominicis, & festis Doctrinam Christianam frequentasse, & frequentare. In quorum fidem has praesentes litteras etiam medio juramento manu propria subscripsi, & sigillo meo munivi. Datum &c.

Ego N. Archipresbyter &c.

Denunciationis faciendæ à Parocho inter Missarum solemnia pro promovendo ad primam Tonsuram.

F O R M U L A V.

S U M M A R I U M.

1 Prima Tonsura potest conferri illi, qui habet requisita Concilii, licet ob aliquod impedimentum non Canonicum non valeat ascendere ad alios Ordines.

2 Subditi tenentur revelare Episcopo præcipienti ea, quæ tendunt in damnum Communitatis fidei, & publici boni.